

جَزَائِرَ حَاكِمَتِ

جمعه ایرتسی

نومرو	ذی الحجه	سنه	مایس	سنه	صفحه
۸۲۴	۸	۱۳۱۲	۲۰	۱۳۱۱	۱۱۵۰۱

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکر می فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخسی ینه مجیدیه یکر می فروش اولق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری)
 (دأره سنده کأن جریده محاکم اداره سنه مراجعت ایلیلدر)

قسم غیر رسمی

(جتالجه بدایت محکمه سندن ۲۴ شباط سنه ۳۰۲)
 (تاریخی والتمش درت عددی ایله ویریلان)
 (اعلامک مابعدی)

مستدعی خرسستو وکیل اونیک افتدینک
 خلاصه اعتراضی اوزوم محصولک وار خیرینی
 کور لفظیله تسلیم وتسلم دیمک اولدینک عادت
 بلده اقتضاسندن ایدوکی یولنده تدقیقات اجرا

اولتفسزین حکم اولنمی مغایر قانون اولدیفندن
 بمخله اعلامک تقضی استدعاسندن ومدعی علیها
 الی قادینک نتیجه جوابی دخی مرقوم خرسستو
 میبعک اشترا و ثمتک قبض اولندیق اقرار
 واعتراف ایلدیکی حالده استرداد ثمنه حق اولیه جنی
 مجله اقتضاسندن اولدینی کی اقامه ایلدیکی شاهدلر
 یولنده ادای شهادت ایدوب تزکیه لری دخی اجرا
 قلدینی و پروتستونامه یه دخی کندوسی جواب
 ووروب اعتراض واقع واهی و بی اساس ایدوکی
 بیانیله اعلامک تصدیق طلبندن عبارت بولنمش
 واشبو اعتراضی خارچنده بر دیه جکلری اولدینی

بالسؤال الكلاشادقن صكره امر استيضاحك ختام
بولدینی تفهیم قلمشدر .

ایجابی مذاکره اولندقده تمیز اولنان اعلامك
نتیجه مفادی سالف الذکر اوزوم محصولك الی
قادرین طرفندن وارخیرینی کور تعمیریه فروخت
اولدینی و تعمیر مذکورك عادت بلده جه تسلیم
وتسلم دیمك اولدینی شهادت واقعه ایله تحقق
ایلدیکی بیانیه ثمن میسج اولان اوتوز بر ایرانك
استرداد حقدن خرسو جانندن درمیان اولنان
ادعائك ردینه حکمدن عبارت اولوب انجیق
عن بوره الی قادرین جانندن وارخیرینی کور
لفظك نفوی بحکم لجله تسلیم وتسلم اولیوب
بلکه مجله نك بوز یتیش ایکنجی ماده سنده
کوستردیکی اوزره عند یسك واقع اولدینی
متضمن بولنش و مجله نك تسلیم وتسلمه متعلق
اولان فصلنده محرر ماده لرنده بوهکی عقارك
نه صورتله تسلیم اولنه جنی صراحة "کوستریش
ایکن محکمه جه مجله نك ایکوز قرق درنجی ماده سنده
یا کیش معنی ویریلهرک لفظ مذکورك تسلیم وتسلم
اولدینی بولنده شاهد استماعیه حکم اولنسی مغایر قانون
بولنش اولدیفندن اصول محاکمه حقوقیه قانون موقتک
ایکوز قرق برنجی ماده سی موجبجه اعلام ابتدائی

نقض ایدیش اولغله کیفیتک یکدن بالرؤیه اعلامه
ربطی ضمننده چتالجه بدایت محکمه سنده اعاده سنده
وزیرده مفرداتی مرقم درتیوز یکرمی دوت بحق
غروش مصارف محاکمه نك ایلروده حقسنز
چیه جق طرفه رجوع ایتک اوزره اول امرده
مستدعی خرسودن استیفاسنه ۱۶ تموز سنه ۳۰۴
تاریخنده متفقاً قرار ویریلهرک تفهیم قلندی .

قره اغاج بدایت محکمه سندن تجارت صفی
و ۳۱ اغستوس سنه ۳۰۱ تاریخی و یکرمی بدی
عددی ایله ویریلان اعلامك تمیزی استعدایدن
قره اغاج قصبه سی اهالی سندن مصرلی اوغلی
اسماعیل اقدی ایله میز علیه قصبه مذکورده
ساکن چفتی اوغلی محمد اقدی بوم معینه
دائره کدکرنندن اصول محاکمه حقوقیه قانونك
ایکوز یکرمی طقوزنجی ماده سی موجبجه تدقیقات
تمیزیه اجراسنه ابتدار اولندی .

اعلام مذکورك خلاصه مالی مومی الیها

اسماعیل و محمد اقدیلرک وضع سرمایه ایله بیلرنده
عقد ایلدکری شرکت مقاوله نامه سی موجبجه
مبايعه وفروخت ایدیش اولدقلى آفونك ایکی
قطعه فاطوره ایله ثابت اولان اوچ بیک ایکوز
اوتوز سکر غروش ضرر و زیانندن اسماعیل اقدینک
سرمایه سی نسبتده حصه سنده اصابت ایدن بیک
ایکوز الی دوت غروشك اقدی مومی الیهدن
تحصیلنه حکمدن و مستدعی تمیزك اشبو اعلام
علیهنده لایحه سنده محرر باشلوجه اعتراضاتی
بیلرنده عقد ایتیش اولدقلى شرکت متارله .
نامه سی مندرجانه کندوسنك تمامیه کسب وقوف
ایتمکسزین تخیم ایتیش اولدینی حقدن عندالحاکمه
درمیان ایلدیکی ادعائك تدقیق ایدلامسی مغایر
قانون اولدیفندن مجله اعلامك نقضی استدعاسندن
و میز علیه لایحه جوابیه سی مالی دخی اعتراض
مذکورك غیروارد اولدینی بیانیه اعلامك تصدیقی
طلبندن عبارت بولنشدر .

ایجابی مذاکره اولندقده مندرجات اعلامدن
مستفاد اولدینی اوزره ذات دعوی بین الشرکا
وقوعبولان اخذواعطادن حاصل اولان ضررک
تحصیلی طلبنه متدائر اولسنه و بومقوله شرکت
مصلحتندن طولانی بین الشرکا واقع اولان هر دولو

معارضه نك میزلر معرفتیه رؤیت وفصلی احکام
قانونیه اقتضاسندن بولنسنه کوره محکمه
مذکورده دعوی واقعه نك میزلره حواله سی
لازم کلور ایکن خود بخود تدقیق ورؤیتیه
برمنوال محرر قرار ویرلمسی یواسز وقانونه مغایر
اولدیفنه بناء اصول محاکمه حقوقیه قانونك ایکی
بوز قرق برنجی ماده سی موجبجه اعلام مذکورك
نقضیه قانون مزبورك ایکوز قرق بشنجی ماده سنده
توفیقاً کیفیتک صورت مشروحه دائره سنده
بالرؤیه اعلامه ربطی ضمننده محکمه مذکوریه
اعاده سنده وزیرده مفرداتی محرر درتیوز اون دوت
غروش مصارف محاکمه نك ایلروده حقسنز چیه جق
طرفه رجوع ایتک اوزره اول امرده مستدعی
تمیزدن النسنه ۲۱ تموز سنه ۳۰۸ تاریخنده
متفقاً قرار ویرلدى .

قونیه ولایتی استیناف حقوق محکمه سندن
۲۷ شباط سنه ۳۰۶ تاریخی و اوتوز بش عددی
ایله ویریلان اعلامك تمیزی بوز قرق قضاسنه نایع

سرستاد قصبه سی اهالیستند علی چاوش زاده محمد اغا طرفندن باعرضحال استدعا قلندینی حالده یوم معینده اجابت ایدلدیکندن مدعی علیها قونیوده ساکنه ام کلثوم خانم وکیل الیاس افندینک ایضاحات شفاهی سی استماع قلندی .

اعلام مذکورک خلاصه مالی مزبورده ام کلثوم خاتونک زوجی حاجی ابراهیم افندینک کندی نامه محرر برقطه سند موجبجه زوجیه سی مزبوریه حائذ اوله رق مرقوم محمد اغاده مطلوبی بولنان الی بیک بشیوز کسور غروشک تحصیل حقنده اقامه ایدلیدی دعوان طولای بدایه ویریلان حکمک فسخیله مبالغ مدعا بهک درت بحق قائمه بر لیرا اعتباریله بالغ اولدینی اون بش لیرا کسور غروشک اغای مرقومدن تحصیلنه دائر ویریلان اعلام علیهنده مزبورده ام کلثوم خاتون جانبندن اقامه ایدیلان اعتراض الفیردعواسنک ردینی متضمن لاحق اولان قرار تمیزاً نقض اولدینی کی اخیراً اكمال محاکمه ايله مزبورده نک مرقوم محمد اغایه خصومتی توجه ایده میه جکنه دائر صادر اولان اعلام دخی كذلك تمیزاً نقض ایدلمسی اوزرینه بشکرار جریان ایدن محاکمه و تدقیقات استینافیه نتیجه سنده مرقوم محمد اغانک اقراری موجبجه

ایجابی مذاکره اولندوقده اعلام مذکور مندرجانتندن مفهم اولدینی اوزره مزبورده ام کلثوم خاتونک مستند ادعای اولان سند زوجی ابراهیم افندی نامه محرر اولسنه کوره دعوی واقعه نک افندی مومی الیه تعلقی درکار اولسیله مومی

البهک دخی جلب ودعوت ايله محاکمه ده حاضر بولندیریله رق حکمسنز لکنه قرار ویریلان سند مزبور حقنده تحقیقات و تدقیقات مکمله اجراسیله تینن ایده جک حاله کوره کیفیتک تحت حکمه الخمسی لازم کلودرایکن محکمه مذکورده جه بورالرینه دقت اولنیه رق افندی مومی الیه محاکمه ده حاضر بولندیریله قسزین یدنده کی سندک حکمسنز لکنه قرار ویرلمسی اصول وقانونه مغایر اولدیننه بناءً اصول محاکمه حقوقیه قانوننک ایکوز قرق برنجی ماده سی موجبجه اعلام مذکورک نقضیله قانون مزبورک ایکوز قرق دردنچی ماده سی حکمنه توفیقاً کیفیتک صور مشروحه دائره سنده یکیدن بالرؤیه اعلامه ر بطی ضمننده محکمه مذکورده اعاده سنه وزیرده مرفداتی مرقوم درتیوز طقوز بحق غروش مصارف محاکمه نک ایلروده حقسنز جیفه جق طرفه حائذ اولقی اوزره اول امرده مستدعیدن اخذینه ۱۸ تشرین ثانی سنه ۳۰۸ هجری خنده متفقاً قرار ویریله رک تفهیم قلندی .

اعلام مذکورک خلاصه مالی مومی الیه هارنس نشان افندی بریکلی اندونیادی نام کسنه ذمتنده کی مطلوباتنه مقابل مرقوم بریکلینک متصرف اولدینی بالیکسریده کاشن بر باب دقیق و باموق فابریقه سنک نصف حصه شایعه سنی بیع بالوفا طریقله ارتهان ایلمش اولدینی حالده مدیون مرقومک اعشار ماده سندن طولای دیون عمومیه اداره سنه اولان دیننه مقابل مذکور نصف حصه فابریقه نک اداره مذکورده جانبندن تحت چیره الندیقندن بحتله مداخله واقعه نک

منعنی طلب و دعوی ایتمش ایسه ده مذکور
قاریقه حصه سنک مرقوم پریکلینک دینه محسوباً
مدعی مومی الیه هارنس افندی به بیع بالوفا
طریقیه ترهین ایدلیدی متحقق اولوب انجق
املاک نظامنامه سنک اون برنجی و اون التیمی
ماده لری موجبجه سند خاقانی به ربط اولنه مدینی
جهتله مدعی مومی الیه اداره مذکوره به قارشو
معارضه دن منعی حکمنی متضمن قره سی بدایت
محکمه سندن صادر اولان اعلامک عند الاستیناف
اصلاحاً تصدیقه حکمدن و مستدعی تمیز و کیلی
مفردیچ اساسیان افندی سنک اشبو اعلام علیه ده کی
اعتراضاتک باشلوجه سی موکلنک ادعا کرده سی
اولان بیع بالوفانک احکامی مجله نک کتاب البیوعه
تابع بولنمش ایکن محکمه مذکوره به بوراسنه
دقت اولنمیرق معامله واقعه نک صرف رهن
حکمنده عدیله برمنوال محرر حکم اولنمش مغایر
قانون اولدیفندن بحثله اعلامک نقضی استدعاسندن
و مدعی علیه اداره مذکوره و کیلی عیکیان افندی سنک
لا محضه سنده مندرج نتیجه جوابی دخی اعتراضات
مذکوره واهی و حکم اعلام موافق قانون
اولدینی بیانیه اعتراضات مسروده نک ردیه
اعلامک تصدیق طلبندن و معاون مومی الیه
مطالعہ سی دخی حکم ابتدائی اسباب قانونیه به منعی

عند الاستیناف فسخ اولدینی تقدیرده طرفینک
ادعا و مدافعاتک یکیدن استماعیه حکم اعطاسی
اصول محاکمه احکامی اقتضاسندن اولدینی حلاله
محکمه استینافیه نک درجه اولی حکمنی اصلاحاً
تصدیق ایلمسی موافق قانون کوریه مدیکی بیاسندن
عبارت بولنمشدر .

ایجابی مذاکره اولدقدہ اعلام مذکور
مطالعہ سندن منضم اولدینی اوزره دعوی واقعه
طرفین بیننده تعاطی اولنان سند موجبجه بیع
بالوفا طریقیه بیع ایدلش اولان قاریقه نک نصف
حصه شایه سنده منع مداخله طلبندن عبارت
اولسنه نظراً دعوی مذکوره نک مجله نک
کتاب البیوعی احکامنه توفیقاً تحت حکمه الخمسی
لازم کلور ایکن محکمه استینافیه به بوراسنه دقت
اولنمیرق برمنوال محرر رهن احکامنه توفیقاً حکم
و قرار ویرلمسی اصول و قانونه مغایر و مستدعی
و کیلنک اعتراضی دخی بوجهته متدائر اوله رق
شایان قبول اولوب معاون مومی الیه مطالعه سی
موافق نفس الامر کوریه مدیکنه بناءً اصول
محاکمه حقوقیه قانون موقتک ایکوز اوتوزایکنجی
ماده سی موجبجه اعلام مذکورک نقضیه قانون
منزبورک ایکوز قرق دردنجی ماده سی حکمنه توفیقاً

کیفیتک صورت مشروحہ دائره سنده یکیدن
بالرؤیه اعلامه ربطی ضمنده محکمه مذکوره به
اعاده سنده وزیرده مفرداتی مرقم درنیوز طقوز
بیجق غروش مصارف تمیزیه نک ایلروده حقیر
چیه جق طرفه رجوع ایتمک اوزره اول امرده
مستدعی تمیز هارنس نشان افندی دن اخذیه
۲۵ اغتوس سنه ۲۰۹ تاریخده متفقاً قرار
ویریلرک تفهیم قلندی .

بیروت بدایت محکمه سندن ۱۳ تموز سنه ۲۰۷
تاریخی و اوتوزدورت عددی الیه ویرلان اعلامک
تمیزینی استدعا ییدن بیروتک زقاق البلاط محله سنده
مقیم اسکندر بن الخوری الضیعی و کیلی الیاس
رسم افندی الیه تمیز علیه بیرونده مقیم نیقولا کی
و صوفیا و هیلانه و کاتبه دن یا لکر مرقوم نیقوله نک
و کیلی اسکندر طراد افندی یوم معینده دائره به
کلرک صوفیا و هیلانه و کاتبه قادیلر کلک لرنندن
و کیلان مومی الیه مانک ایضاحات شفاهی لری
استماع قلندی .

اعلام مذکورک خلاصه مآلی مرقوم نیقولا
ایله همشیره لری صوفیا و هیلانه و کاتبه قادیلرک
متوفی پدرلرندن ارثاً انتقال ایدن بیروتک
زقاق البلاط محله سنده واقع معلوم الحدود بر باب
خانه نک مع مشتملات حصه ارثیه لری موجبجه
تقسیم و افرازیه برادرلری مرقوم اسکندرک
مخالفت ایتمکده اولدیفندن بحثله اجرای تقسیمی
طلب و دعوی و مدعی علیه مرقوم اسکندر دخی
خانه مذکورک محافظه دیواری الیه محفوظ
عرصه سی و طاش دوشمه لی خولی و مطبخ اوکنده کی
صوقیوسی کندی ملکی اولدینی مدافعه درمیان
ایتمش ایسه ده مدعیلرک تصرفی ابراز اولنان درت
قطعه سنده مستند اولوب بومقوله سنده قارشو
درمیان اولنان ادعا نک سنداً اثباتی لازمکله جکی
بیانیه خانه مذکوره مدعیلرک ادعا ایتدک لری
حصه لره نبوت تصرفلرینه و منازع فیه خانه نک
قابل تقسیم و افراز اولوب اولدیفنک اجرای کشف
و معاینه سی لزومه حکمدن و اشبو حکم علیه ده
مستدعی مرقومک باشلوجه اعتراضات مدعا به
اولان خانه مذکور پدرینک هبه صحیحیه الیه
کندوسنه هبه ایدوب مستقلاً متصرف اولدینی
عرصه ده منعی و شمعی به قدر بلا نزاع تحت
تصرفنده بولدیفنی هویدا اولدینی حلاله برمنول

محرم حکم ویرلسی. مغایر قانون اولدیغندن بختله
اعلام مذکورک نقضی استدعاسندن ومدعی
علیهکم نتیجه جوابلری دخی حکم ابتدائینک
موافق قانون اولدینی بیانیله تصدیق طلبندن
عبارت بولمشد.

ایجابی مذاکره اولندقدن اعلام مذکور مآلندن
مستبان اولدینی اوزره دعوی واقعه طرفینه ارتا
انتقال ایدن خانهک بین الورثه اجرای تقسیمه
متدار اولسته کوره فصل وحسمی محکمه شرعییه
حائذ اولدینی حالد یروت بدایت محکمه سنجه
رؤیت ایدلسی وظیفه خارجنده وقانونه مغایر
اولمسبله اصول محاکمه حقوقیه قانوننک ایکوز
اوتوز اوچنجی و ایکوز قرق برنجی ماده لری
موجبجه اعلام مذکورک نقضیه قانون مزبورک
ایکوز قرق اوچنجی ماده سی حکمنه توفیقاً کیفیتک
حائذ اولدینی محکمه شرعییه حواله سنه وزیرده
مفرداتی مرقم یدییوز یکریمی غروش مصارف
تمیزییه نک ایلروده حقسنز چیه جق طرفه رجوع
ایتمک اوزره اول امرده مستدعیدن اخذینه
۲۹ ایلول سنه ۳۰۸ تاریخنده متفقاً قرار
ویریلرک تفهیم قلندی.

سرفیچه بدایت محکمه سندن ۹ شباط سنه ۳۰۶
تاریخی و التمش الی عددی ایله استینافاً صادر
اولان اعلامک تمیزیی استدعا ایدن کره بته
قصبه سنده مقیم اصحاب علاقندن وهیب افندی
وکیل احمد مختار افندی بوم معینده دائره به ککش ایسه ده
تمیزی علیه قصبه مذکوریه تابع ماورونوس قریه سی
اهالیسی طرفندن بر وکیل کوندردیکندن یالکر
مستدعی مومی الیه وکیلنک ایضاحات شفاهی سبله
باش مدعی عمومی معاونلرندن ابراهیم بکک
مطالعہ سی بعد الاستماع تدقیقات تمیزییه اجرا سنه
ابتدار قلندی.

اعلام مذکورک خلاصه مالی مومی الیه
وهیب افندیکنک برادر یله مشترکاً متصرف اولدینی
کره بنده واقع سککز یوز الی دونم اراضی سنه
مذکور ماورونوس قریه سی اهالیسی طرفندن
وقوعبولان مداخله نک منی حقنده اقامه ایلدیکی
دعوان طولانی اجرا قلنان محاکمه و تدقیقات
نتیجه سنده مدعینک ابراز ایلدیکی طابو سنداتنک
محمل منازع فییه عدم مطابقتی کشف ایله تبیین
ایلمسنه منی دعوی مذکور نک ردینه دائر
کره بته بدایت محکمه سندن ویریلان اعلامک
استینافاً تصدیقنه حکمدن ومستدعی تمیزی وهیب

افندی وکیلنک اشبو حکم علیهنده کی اعتراضاتنک
خلاصه سی دعوی واقعه بدایت ذی الیدلکک
لزوم اثباتنه تعرض اولندینی کی اثنا ی رؤیت
دعواده اصول محاکمه رعایت ایدلماش اولدیفنه
دائر استینافاً درمیان اولنان اعتراضاتنک دخی
بلا اسباب موجب ردیه حکم ابتدائینک تصدیق
جهته کیدلسی مخالف قانون اولدیغندن بختله
اعلامک نقضی استدعاسندن و تمیزی علیه قریه
مذکور اهالیسنک لایحه لرندن مندرج نتیجه
جوابلری اراضی منازع فیهانک قریه لری حدودی
داخلنده اولدینی حصملرینک ابراز ایلدیکی طابو
سنداتی مندرجاتی و اجرا قلنان کشف و تحقیقات
ایله تبیین ایتمش و بوجهته حکم استینافی موافق
اصول وقانون بولتمش اولدینی بیانیله اعتراضات
مسروده نک ردی و اعلام مذکورک تصدیق
طلبندن ومعاون مومی الیهک مطالعه سی دخی
اعلام ابتدائینک تصدیق حقنده اسباب موجب
قانونیه کوسترلماش و مستأنفک اعتراضاتی
مسکوت عنه بر اقلمش اولسنه منی اعتراضات
واقعه نک موافق قانون اولدینی بیانیسندن عبارت
بولمشد.

ایجابی مذاکره اولندقدن اعلام استینافی مذکور

مندرجاتندن منضم اولدینی اوزره دعوی
واقعه نک اراضی به متعلق اولدینی جهته مجله نک
بیک یدییوز الی دردنچی ماده سی موجبجه اول
امرده ذی الیدلکک بالینه اثبات ایتدیرلسی
لازم کلور ایکن بوجهته تعرض اولندینی کی
ارضی منازع فیهانک نوعی تعیین ایدلماش
واولابده کی اعلام ابتدائیه دعوانک ندن
عبارت ایدوکی دخی صورت واضحه ده کوسترلماش
اولسنه منی استینافاً نواقص مذکور دن طولانی
اعلام ابتدائی مذکورک فسخیه دعوانک یکیدن
رؤیت وفصلی لازم کلور ایکن مستأنف اولان
وهیب افندیکنک درمیان ایلدیکی اعتراضاتنک بلا
اسباب موجب ردیه اعلام ابتدائینک تصدیقنه
قرار ویرلسی قانونه مغایر ومستدعی تمیزی وکیلنک
اعتراضاتی ایله معاون مومی الیهک مطالعه سی دخی
موافق نفس الامر کورنسنه منی اصول محاکمه
حقوقیه قانوننک ایکوز اوتوز ایکنجی ماده سی
موجبجه اعلام مذکورک نقضیه قانون مذکورک
ایکوز قرق دردنچی ماده سی حکمنه توفیقاً کیفیتک
برمنوال محرم اعلامه ربطی ضممنده محکمه
مذکوریه اعاده سنه وزیرده مفرداتی مرقم بش
یوز یکریمی اوچ غروش مصارف تمیزی نک ایلروده
حقسنز چیه جق طرفه رجوع ایتتمک اوزره اول

امرده مستدعیان الخمسه ۹ شباط سنه ۳۰۸ تاریخچه
متفقاً قرار ویریله رک تفهیم قلندی.

نیکه بدایت محکمه سندن ۳ شباط سنه ۳۰۶
تاریخی و اونوز بشر عددی ایل ویریلان اعلامک
تمیزینی نیکه نك اسن بك محله سنده ساکنه
ابراهیم بك کریمه سی ماویش خانم باعرض حال استدعا
ایندیکی حالد بوم معینه دائره کلوب مدعی علیه
محله مذکورده مقیم رجب اغازاده محمد افندی
وکیل سعید افندی و ورود ایتمسبیله ایضاحات
شفاهیه سی استماع قلندقدن صکره تدقیقات تمیزیه
اجراسته ابتدار اولندی.

اعلام مذکورک خلاصه مالی موسی الیه محمد
افندی نك قصبه مذکورده کائن متوفی پدری
رجب اغازان انتقالاً تحت تصرفده بولان معلوم
الحدود ایکی باب منزل ایل برقطعه باغ و دروننده
واقع ایکی دونمی متجاوز ترلانک نصفه مزبور
ماویش خانم طرفندن وقوع بولان مداخله نك
منعی طلب و دعوی ایتمسبه و عندالحاکه ماویش

خانم دخی املاک مذکورده ثمن معلوم مقابلنده
مدعی نك پدری رجب اغازا طرفندن کندوسه بیع
ایدیلهرک اولصورته مستقلة عهدۀ تصرفده
بولندیق مدافعة انبا ایلمسبه قارشو مدعی
موسی الیه محمد افندی املاک مذکورده نك بین لورته
تقسیمی صرهنده مدعی علیها ماویش خانم حصه
ارثیه سی المش اولدینی جهته سکوت ایلدیکی
درمیان و مزبور ماویش خانم دخی متوفی پدری
رجب اغازک تقسیم ترکه سندن صکره دینی ظهورینه
مبنی تقسیم مذکورک منفسخ اولدینی مردوایان
ایلملری اوزرینه مزبور رجب اغازک وفاتندن
صکره منازع فی املاکک حین تقسیمده مزبور
ماویش خانم سکوت ایندیکی اولیاده موسی الیه
محمد افندی طرفندن بالا قامه استماع اولنان شاهدلرک
شهادتلیله ثابت اولوب شهود مرقومه دن
مرتب نك منفعتده مشترک اولق حسیله شهادتی
مسموع اوله مبه جنی مزبور ماویش خانم طرفندن
بسط و بیان ایدلمش ایسه مرقوم ایل شاهد
دیگرک عدالتلر نك لدی التزکیه تحقیق ایتمش اولسنه
مبنی محله نك بیک التیوز الی ایکنجی ماده سی موجبیه
منازع فی املاک مزبورده نك بالا استقلال تصرف
ادعائک ردیله مداخله واقعه نك منعه و حصه
شایه سندن طولای بردعواسی وار ایسه محکمه

شرعیه به مراجعت ایتمی لزومه حکمدن و مستدعیه
تمیز ماویش قادی نك اشبو حکم علیه نده لایحه سنده
محور اعتراضاتک باشلوجه سی خصمی طرفندن
اقامه اولنان شهودک شهادتی املاک منازع فیهادن
بالکراخانه حقدۀ اولدینی حالد ترلایه دخی تشمیل
ایدیلهرک شهادت واقعه به بنای حکم ایدلمش
مخالف قانون اولدیندن بمخله اعلامک تقضی
استدعا سندن و مدعی علیه وکیل سعید افندی نك
نتیجه اجوبه سی دخی اعتراضات مسروده نك
ردیله موافق قانون اولان اعلامک تصدیق طلبندن
عبارت بولمشدر.

ایجابی لدی المذاکره اعلام مذکور مطالعه
سندن مفهم اولدینی اوزره املاک مزبورده حقدۀ
مدعی علیها ماویش خانم طرفندن درمیان اولنان
بیع ادعاسه قارشو مدعی محمد افندی طرفندن اقامه
اولنان شهوددن مرئضاتک بیان اولنان تقسیمده
مشترک اولوب حر منفعتی اولمش و کندوسی
مذکور املاکک متوفادن اشتراسیله مزبورده
بیع ایتمش بولمش حسیله شهادتی شایر قبول
اوله مبه جنی و املاک مذکورده عیناً تقسیم ایدلیوب
نقود اوزرینه تقسیم ایدلیکی کی ترکه سنک
تقسیمندن صکره متوفانک دینی ظهور ایتمکله

تقسیم منفسخ اوله جنی خصوصاته دائر مزبور
ماویش خانم طرفندن بسط و اتیان فلان ادعائک
تدقیقیله اولیاده برقرار اتخاذا اولمش لازمه دن
ایکن محکمه مذکورده جه ادعای مذکورک
مسکوت عنه بر اقلمش تدقیقانه نوافصدن محدود
کورینه رک مخالف اصول و قانون اولدینه بنسأ
اصول محاکمه حقوقیه قانون نك ایکیوز قرق برنجی
ماده سی موجبیه اعلام مذکورک تقضیه قانون
مزبورک ایکیوز قرق دردنجی ماده سی حکمه نوبقاً
کیفیتک یکیدن اعلامه ربطی ضمندن محکمه
مذکورده اعاده سنه وزیرده مفرداتی مرقم درتیوز
طقوز یحق غروش مصارف محاکمه ایلروده
حقسز چیه حق طرفه رجوع ایتمک اوزره اول
امرده مستدعیه تمیزدن الخمسه ۱۹ کاون تانی
سنه ۳۰۸ تاریخچه متفقاً قرار ویریله رک
تفهیم قلندی.

قونیہ استیناف محکمه سندن ۲۷ تشرین تانی
سنه ۳۰۰ تاریخی و اون طقوز عددی ایل ویریلان

اعلامك تميزني استعدا ایدن قونیه قصبه سنده
ساكن مدرسيندن كوراكي زاده حاجي عبدالقادر
افندي ايله مدعي عليهمدن قصبه مذكوره نك
خواجه فاروق و فقيه دوده و بونس اوغلي و اولو
بكلي محله لري اهالي سي يوم معينده دائره يه كليوب
يالكر آق چشمه محله سي سكه سندن طاشجي زاده
عبدالقادر افندي كلش اولديغندن ايضاحات
شفاهيه سيله باش مدعي عمومي معاونلرندن سعادتلو
يورغاكي افندي نك مطالعه سي استماع قلندقدنصكره
تدقيقات تميزيه اجرا سته ابتدار اولندي .

اعلام مذكورك خلاصه مالى اهالى مرقومه
ايله مومى اليه حاجي عبدالقادر افندي يئنده
متحدث چشمه دعواسنه دائر قونيه بدايت
محكمه سندن و يريلان اعلام عليهمده مومى اليه
حاجي عبدالقادر افندي جانبندن محكمه مذكوره يه
بالمراجعه استيناف دعواسي اقامه ايدلمش ايسده
اعلام ابتدائي مذكور مستأنف من بوره اوج
بوز سنه سي ايلونك دردنجي كوني تبليغ قلنمش
اولديني حالده اولبايده اعطا قلنان استيناف
استداسنك سنه مرقومه تشرين ثاني سنك بشنده
اعطا ايدلمش اولسنه نظراً مدت استينافيه نك
مرورند نصكره و يرلمش اولديني اكلاشلمسنه بناء
ايجابي لى المذاكره اعلام مذكور مطالعه سندن

منفهم اولديني اوزره لاحق اولان حكم ابتدائي
عليه نده اعطا قلنان استيناف استداسنك
مدت قانونيه سنك مرورينه بناء ردينه قرار
و يرلمش ايسده اولبايده كي اعلام ابتدائيك تبليغي
ايله استداسنامه من بورك اعطاسي كونلري داخل
حساب اوله ميه جفته و شوحالده اعلام يميز بهده
كوسترلديكي وجهه حكم ابتدائي مذكورك يوم
تبليغي ايله انف البيان استيناف استداسنامه سنك
تاريخ اعطاسي يئنده گذران ايدن مدته نظراً
استداسنامه من بورك مدت قانونيه سي طرفنده
و يرلديكي بديهي بولنمش ايكن محكمه استينافيه جه
بوراسنه دقت اولنميرق اعلام مستأنف بهك
تبليغي ايله استيناف استداسنك اعطا قلنديني
كونلرك دخي داخل حساب ايديله رك مدت
استينافيه نك مرور ايدليكي بيانيله برمنوال محرر
حكم ايدلسي اصول وقانونه مغاير و مستدعي تميزك
اعتراضيله معاون مومى اليهك بوجهته متدائر اولان
مطالعه سي دخي موافق نفس الامر كورلديكنه بناء
اصول محاكمه حقوقيه قانوننك ايكوز اوتوز
ايكنجي ماده سي موجبجه اعلام مذكورك نقصيله
قانون من بورك ايكوز قرق دردنجي ماده سي حكمه
توفيقاً كيفيتك اصول وقانون دائره سنده يكيدين
بالرؤيه اعلامه ربطى ضمننده محكمه مذكوره يه

اعاده سنه وزيرده مفرداتي مرقم سكر يوز الشمس
بحق غروش مصارف محاكمه نك ايلوده حقسنز
چيقه جق طرفه رجوع ايتك اوزره اول امرده
مستدعيدين النمسنه ۱۵ ايلول سنه ۳۰۶ تاريخنده
متفقاً قرار و يريله رك تفهيم قلندي .

لنى بدايت محكمه سندن ۱۷ تشرين اول
سنه ۳۰۷ تاريخي و يوز اوج عددى ايله و يريلان
اعلامك تميزني استدعا ايدن لنى جزيرسى
اهالي سندن اولوب موقناً غلطده خراججي زقاغنده
اوتوز اتى نومرولى مغازه ده مقيم نيقولاولد
يوركي طراندافيلو ايله يميز عليه جزيره مذكوره
اهالي سندن قبودان يوركي قره قچاني و كيلي شاجي
اوغلي انس طاش افندي يوم معينده دائره يه
كلدكلرندن ايضاحات شفاهيه ليله باش مدعي عمومي
معاونلرندن سعادتلو يورغاكي افندي نك مطالعه سي
استماع قلندرق تدقيقات تميزيه اجرا سته
ابتدار قلندي .

اعلام مذكورك خلاصه مالى مرقوم قبودان
يوركنك بطريقه خانه دن مصدق ه جزيران
سنه ۱۸۸۵ تاريخي برقطعه جهازنامه موجبجه

قاین بدری متوفی یورکیک قزی و کندوسنک
زوجہ سی فوطینی بہ ہبہ ایٹدیکی قبضہ قریہ سندہ
رونام محلہ کائن اشجار شمرہ بی حاوی ایکی دونم
مقداری معلوم الحدود برقطہ باغچہ نک اوچ ربع
حصہ سی من بود نک وفاتیہ کندوسنہ انتقال
ایتمش اولدینی حالہ قان برادری مرقوم نیقولا
طرفدن حصص مذکورہ فی فضولی مداخلہ
اولدیفندن بحثلہ منع مداخلہ نی طلب ودعوی
ومدعی علیہ مرقوم نیقولا دخی منازع فیہ اولان
باغچہ بہ باسند رسمی متصرف اولدینی مدافعہ
انبایہ ایکی قطعہ سند خاقانی ابراز واعطا ایملری
اوزرینہ وضع بد خصوصی بالینہ اثبات
ایتدیرلکدن صکرہ جریان ایدن محاکمہ و تدریقات
نتیجہ سندہ منازع فیہ اولان باغچہ بی متوفی یورکی
طراندا فلو بطریقخانہ دن مصدق جهازنامہ
منطوقجہ دامادی مدعی علیہ مرقوم یورکیک
زوجہ سی فوطینی بہ ترک وتبرع ایلیدیکی ثابت اولمش
و بومللو مترہ پولید و بطریقخانہ لردن تنظیم
وتصدیق اولان سندانک معتبر طوتمسی ارادہ
سنیہ جناب پادشاهی مقتضای عالیہ سندن ایدوکی
۷ صفر سنہ ۱۲۷۸ تاریخی امرنامہ سامی حکمی
ایجابندن بولنش و میرز سند تاریخیک جهازنامہ
تاریخندن مؤخر اولوب احتیاججہ غیر صالح

ایدوکی اکلاشلمش اولدیفندن متوفای مرقومک
اوغلی نامنہ اخیراً اجرا ایلیدیکی بیعک فسخیلہ
بر موجب جهازنامہ مذکور باغچہ نک مدعی
مرقومہ تسلیمنہ حکمدن واشبو حکم علیہندہ
مستدعی تمیز نیقولہ نک باغچہ اعتراضی
بو مقولہ جهازنامہ دن منبعت دعاوینک فصل
وحسمی بطریقخانہ نک جلہ وظائفندن اولدیفنہ
عندالاستیناف قرار ویرلمش ایکن لئی بدایت
محکمہ سنجہ صلاحیت قانونیہ خارجندہ اولہرق
اعطای حکم اولنمی مغایر قانون اولدیفندن بحثلہ
اعلامک تقضی استدعاسندن ومدعی علیہ وکیلک
نتیجہ جوابی دعوی واقعہ نک رؤیتی محاکم
حقوقیہ نک وظیفہ سی داخلندہ اولوب اعتراضات
مسروودہ واهی اولدینی بیانیہ موافق قانون اولان
اعلامک تسدیقی طلبندن ومعاون مومی الیہک
مطالعہ سی دخی دعوی واقعہ مقدما درجہ اولی
وثانیہ محاکمہ بالرویہ اعلامہ ربط اولنمش اولسنہ
مبنی بوکرہ بدایہ رؤیتی موافق قانون اولدینی
بیانندن عبارت بولنشدہ

مابعدی وار

اعلان

فاطمہ زہرا خانمک تحت تصرفندہ اولوب
زوج سابق جسر مصطفی پاشادہ ارامساز اون
التبجی الایک درنجی طاہور بیگباشیسی محمدافندی
طرفندن قسمت عسکری محکمہ سی صندوقندن
استدانہ اولان مبالغ معلومہ مقابلندہ رهن ایتمش
اولدینی صائم سکوددہ کوچک اغا حامندہ کی ربع
حصہ سنک رهندن فک واستخلاص اولقی اوزرہ
مدیون مومی الیہ محمد افندیکن حمام مذکورہ
متصرف اولوب تحت جزہ النان ربع حصہ سنک
تاریخ اعلاندن اعتباراً اون بش کون صکرہ
بالزایدہ فروختہ تشبث اولہ جفی درسمادت اعلامات
نظامیہ اجرا دائرہ سندن اعلان اولور .

فی ۸ مایس سنہ ۱۳۱۱

مرحوم اسماعیل عزت پاشا ورثہ سنک

یورکیکی اصنافندن محمد اغا ذمتندہ قسمت عسکریہ
محکمہ سندن ویریلان ۷ شعبان سنہ ۹۸ تاریخی
برقطہ ادانہ جفی موجبجہ الاجقلمی اولان
مبالغ معلومہ نک تأمین استیفاسی ضمنتندہ مرهون
وفروختی محکوم بولسان اوزون چارشو قریبندہ
بزازجدید محلہ سندہ اوچ نومرولی یورکیکی فرونی
دروندہ موجود کدک یوز یکرمی سہم اعتباریلہ
یتمش سہم حصہ شایمہ سی بوندن مقدم مزایدہ
قونیلہرق لیرای عثمانی یوز غروشندن اون ایکی
بیک غروش بدلایلہ طالبی اوزرندہ تقرر ایتمش
اولدیفندن بوزدہ بش ضمیله بوندن دہا زیادہ
طالب اوللرک اشبوتاریخ اعلاندن اعتباراً اوتوز
بر کون ظرفندہ درسمادت اعلامات شرعیہ اجرا
دائرہ سندہ مراجعت ایملری ومدت مذکورہ
ختامندن صکرہ مذکور یتمش سہم حصہ تقرر
ایدہ جک بدلایلہ طالبی عہدہ سندہ معاملہ
فراغیہ سی اجرا قلنہ جفی دائرہ مذکورہ دن
اعلان اولور .

فی ۹ مایس سنہ ۱۳۱۱

طوپخانه ده فیروز اغا محله سنده اقرار صو
یقوشنده قرق بش نومرولی خانه ده مقیم حسن
افدینک اقامتگاهی مجبول بولندینی باعرض حال
افاده ایدیلان خرسستوفی ولد قسطنطی علیه
در سعادت تجارت بحر به محکمه سنده اقامه ایلدیکی
مطلوبات و تصدیق بجز ادعای بیك اوچیز
اون بر سنه می خزینه برانک بشنجه بازار ایرتسی
کونی فصل ورؤیت اولنه جفندن یوم مذ کورده
ساعت التیده مرقوم خرسستوفی ولد قسطنطینک
بالذات محکمه مذ کورده حاضر بولنسی و یا خود
مصدق سنده بروکیل کوندولسی لازم کله جکی
شاید کلز و وکیل کوندولسی حقه ده معامله
قانونیه نک اجرا اولنه جفی معلوم اولق اوزره
تنظیم اوانان دعوتیه ورقه سی محکمه نک دیوانخانه سنه
تعلیق اولندینی کبی اوراق حوادث واسطه سیله
دخی اعلان کیفیته ابتدار قلندی .

فی ۲۶ ذی القعدة سنه ۳۱۲

وفی ۹ مایس سنه ۳۱۱

بدوسک $\frac{۳۱۲}{۱۰۸}$ نومروسیله مقید اعلام موجبجه
یروانت عوادیس ذمتنده محکوم به الاجفی اولان
مبالغک تأمین استیفای ضمننده تشویقیه محله سنده
یکی محله زقاغنده مکرر اوتوز نومرولی برقطعه
عرضه ده انتقالاً متصرف اولدینی ربع حصه
شایعه سی لدی المزایده بیك یوزغروش التون بدل
ایله طالبی عهده سنده تقرر ایتمش اولمقله تاریخ
اعلانندن اعتباراً اوتوز برکون طرفنده بدل
مذکور اوزرینه یوزده بش ضمیمه طالب اولنلرک
بک اوغلی بدایت محکمه سی اجرا مأموریتی جانبیه
مراجعت ایتملی اعلان اولنور .

فی ۹ مایس سنه ۳۱۱